

Júdódeild Tindastóls 2016

Æfingar hófust mánudaginn 4. janúar 2016 á nýju ári hjá Júdíódeild Tindastóls. Æfingar voru á þriðjudögum, fimmtudögum og föstudögum fyrir yngri og eldri hóp ásamt því sem sérstakar kvennaæfingar voru á mánudögum. Notast var við aðstöðu í íþróttasal gamla barnaskólans á Sauðárkróki við Freyjugötu/Sæmundargötu. Þjálfari var Einar Örn Hreinsson og til vara voru Judith Bischof, Jakob Smári Pálmason, Magnús Freyr Gíslason og Magnús Hafsteinn Hinriksson.

Júdíódeildin átti þrjú keppendur í yngri flokkum, eða frá 11 til 20 ára, á Afmælistóti JSÍ 30. janúar og tvo keppendur á Góumóti JR sem haldið var 20. febrúar en vegna veðurs forfölluðust flestir keppendur Júdíódeildarinnar fyrir það mót. Þetta er annað árið í röð sem veðrið setur strik í reikninginn fyrir Góumótið, sem er ætlað 8 til 10 ára iðkendum. Fjórir fulltrúar Júdíódeildarinnar kepptu svo á Vormót JSÍ sem haldið var 5. mars og fór það fram í Reykjavík líkt og áðurtalin tvö mót.

Fastur liður hvernar annar er foreldraæfing, þar sem foreldrar fá tækifæri til að læra grunnatriði í júdíó í gegnum leiki og glímur. Þann 8. mars var foreldraæfing blásin á og var hún vel sótt og oft tókust iðkendum og foreldrar hart á.

Norðurlandsmóti, sem komið hafði verið á 12. mars á Blönduósi, þurfti að fresta vegna mjög mikils óveðurs og verður vikið að því síðar.

Félagar okkar í Pardus á Blönduósi heimsóttu okkur þann 1. mars og héldum við sameiginlega æfingu en það hefur skapast hefði fyrir því að bjóða þeim helst einu sinni á hverri önn. Við það tækifæri var myndir hér fyrir neðan tekin.



Júðódeildin átti fjóra keppendur á Páskamóti JR sem haldið var 3. apríl en á því móti eru páskaegg gefin í verðlaun. Íslandsmót fullorðinna var haldið 16. apríl og átti Júðódeildin þar einn fulltrúa. Íslandsmót yngri var svo haldið 30. apríl og átti Júðódeildin þar þrjá keppendur og hampaði Þorgrímur Svavar Runólfsson Íslandsmeistaratitli í sínum flokki. Það er ánægjulegt fyrir Júðódeildina að vera með Íslandsmeistara í hópnum.

Botninn var sleginn í starf vorannarinnar þann 29. maí með Vormóti Tindastóls, sem er orðinn fastur liður í dagskránni. Keppendur voru alls 48 frá fjórum félögum: Draupni á Akureyri, Pardus á Blönduósi og JR í Reykjavík auk Júðódeildar Tindastóls.



Fimm iðkendur Júðódeildarinnar ásamt þjálfara þáðu boð Júðódeildar Ármanns um að slást í hópinn á æfingabúðir til Linköping í Svíþjóð 11. til 14. ágúst. Þessi ferð heppnaðist vel og þessa helgi voru tvær júðóæfingar á dag ásamt skoðunarferðum inni á milli og því mikið um að vera bæði utan og innan vallar.

Eftir vorönnina var ljóst að Júðódeildin var á götunni eftir að sveitarfélagið seldi gamla barnaskólann ásamt íþróttasalnum, sem hafði verið æfingaaðstaða deildarinnar síðustu tvö árin. Ekki var unnt að finna heppilega æfingaaðstöðu og á endanum fékk Júðódeildin tíma í íþróttahúsinu á Sauðárkróki.

Haustönnin hófst 19. september og bauð upp á aldursskipta tíma fyrir 9 ára og yngri, 10 til 14 ára og 15 ára og eldri. Verður að segjast eins og er að tímarnir sem úthlutaðir voru í íþróttahúsinu setja mjög skorður á starfsemi deildarinnar - bæði vegna tímasetningar og lengd æfinganna. Júðódeildin er þó mjög þakklát fyrir að fá aðstöðu í húsinu, sem annar vart

eftirspurn, en lítur samt á þetta sem tímabundna lausn og er enn að leita að heppilegu húsnæði fyrir starfsemi sína.

Fimm keppendur frá júdódeildinni fóru á Haustmót JSÍ sem haldið var í Grindavík 8. október og 21 kepptu á Norðurlandsmóttinu sem haldið var á Blönduósi 29. október eftir að því hafði verið frestað vegna veðurs í undangengnum marsmánuði.



Foreldraæfinga var á dagskrá 9. nóvember og önninni lauk svo með Jólamót Tindastóls þar sem 22 iðkendur Júdódeildarinnar voru skráðir til leiks og fengu allir gullpening að lokum og slegið var upp pítsuveislu eftir mótið.

Tilnefning júdódeildarinnar til kjörs íþróttamanns Tindastóls fyrir árið 2016 var að þessu sinni Viktor Darri Magnússon. Tsvetan Tsvetanov Michevski var valinn sem fulltrúi júdódeildarinnar í hóp ungs og efnilegs íþróttafólks sem UMSS heiðrar í lok hvers árs.

Júdódeildin endurvakti formlega starfsemi sína eftir nokkurt hlé haustið 2014 og hafði þá safnað peningum fyrir júdódýnum og júdógöllum og munaði þar mestu um framlag sveitarfélagsins, 600.000kr., Tindastóls, 300.000kr. og Sparisjóðs Skagafjarðar, 200.000kr.. Júdódeildin varð svo formlega deild innan Tindastóls á aðalfundi 2. mars 2016.

Einu tekjur deildarinnar eru félagsgjöld iðkenda ásamt því sem minni styrkir hafa verið sóttir til fyrirtækja vegna mótahalds og vegna kaups á merktum fatnaði. Engir beinir peningastyrkir, aðrir en þeir sem á undan hefur verið gert grein fyrir, hafa verið þegnir frá sveitarfélaginu eða Tindastóli. Öll vinna og þjálfun við deildina er enn unnin í sjálfböðavinnu. Markmið deildarinnar er þó að í framtíðinni geti iðkendagjöld staðið undir þjálfarakostnaði enda sé það forsenda þess að deildin geti dafnað eðlilega til langs tíma litið.